

Sebastian

De Ball isch rund, Radisli gsund,
de Mond isch toll, wenn er isch voll.
Am liebschte zeichn' ich Chreis um Chreis.
Und richtig glücklich macht mich nume eis:

Ohni Ball chan ich nid si,
ohni Ball schlof ich nid i.
Näbe Chüssi und Teddybär lyt är, und i
gäb ne nie nie meh här!

S'Zimmer isch min Fuessballplatz.
S'Bett isch's Goal, drinn hockt mini Chätz.
Sie nimmt en Satz, hed jede Ball.
Sogar wenn ich emol denäbe knall.

Ohni Ball chan ich ned si,
Ohni Ball schlof ich ned i.
Näbe Chüssi und Teddybär lyt är, und i
gäb ne nie nie meh här! Nid emol dir.

Jedi Nacht hani rundi Tröim.
I üsem Garte wachsed Fuessballböim.
Wenn i gross bi, werdi Fuessballstar.
Irgendwo im Süde, das isch sunneklar.

Ohni Ball chan ich nid si,
Ohni Ball schlof ich nid i.
Näbe Chüssi und Teddybär lyt är, und i
gäb ne nie nie meh här! Nid emol dir.